




GIG
CYMRU
NHS
WALES

Iechyd Cyhoeddus
Cymru
Public Health
Wales



Adroddiad Ystadegol Blynnyddol Bron Brawf Cymru 2022-23

Fersiwn 1

Mae'r ddogfen hon ar gael yn Saesneg/This document is available in English

Manylion cyhoeddi

Teitl: Adroddiad Ystadegol Blynyddol Bron Brawf Cymru 2022-23

Dyddiad: Gorffennaf 2025

ISBN: 978-1-83766-624-9

Manylion cyswllt

Guy Stevens, Rheolwr Arweiniol Dros Dro Gwasanaethau Gwybodeg a Data, Is-adran Gwybodeg, Llawr 6, Iechyd Cyhoeddus Cymru, Rhif 2 Capital Quarter, Stryd Tyndall, Caerdydd, CF10 4BZ

E-bost: screening.information@wales.nhs.uk

Rydym yn croesawu gohebiaeth a galwadau ffôn yn Gymraeg. Byddwn yn ymateb i ohebiaeth yn Gymraeg heb oedi.

Datganiad Sicrwydd Ansawdd

Mae cofnodion sgrinio data yn newid yn gyson. Mae'r cronfeydd data a ddefnyddir gan Is-adran Sgrinio Iechyd Cyhoeddus Cymru yn cael eu diweddarau'n ddyddiol pan fydd cofnodion yn cael eu hychwanegu, eu newid neu eu dileu (wedi'u harchifo). Gallai hyn ymwneud â phryd y nodwyd bod angen sgrinio person; wedi cael canlyniadau sgrinio y mae angen eu cofnodi neu wedi newid statws ac nad oes angen ei sgrinio mwyach yn y drefn honno. Derbynnir data o nifer fawr o wahanol ffynonellau gyda lefelau amrywiol o gywirdeb a chyflawnrwydd. Mae'r Is-adran Sgrinio yn gwirio data am gywirdeb trwy gymharu setiau data - er enghraifft data practisiau Meddygon Teulu - ac mae'n cywiro'r data codio lle bo modd. Dylid nodi bod oedi weithiau wrth gasglu data - er enghraifft efallai na fydd person yn cofrestru ar unwaith gyda'i feddyg teulu os bydd yn symud i gyfeiriad arall. Bydd yr oedi hwn felly yn effeithio ar gyflawnrwydd y data yn dibynnu ar amgylchiadau unigol. Yn ogystal, dylai'r darlennydd fod yn ymwybodol bod data'n cael ei ddiweddarau'n gyson ac efallai y bydd mân newidiadau yn y niferoedd a nodir yn y ddogfen hon flwyddyn ar ôl blwyddyn oherwydd adnewyddu data. Byddwn, o bryd i'w gilydd, yn atal rhifau sy'n is na phump pan allai'r data fod yn sensitif.

Gwybodaeth hawlfraint

© 2025 Ymddiriedolaeth GIG Iechyd Cyhoeddus Cymru.

Gellir atgynhyrchu'r deunydd sydd yn y ddogfen hon o dan delerau'r Drwydded Llywodraeth Agored (OGL) (www.nationalarchives.gov.uk/doc/open-government-licence/version/3/) ar yr amod ei fod yn cael ei wneud yn gywir ac na chaiff ei ddefnyddio mewn cyd-destun camarweiniol.

Rhaid nodi cydnabyddiaeth i Ymddiriedolaeth GIG Iechyd Cyhoeddus Cymru. Mae hawlfraint y trefniant teipograffyddol, y dylunwaith a'r cynllun yn perthyn i Ymddiriedolaeth GIG Iechyd Cyhoeddus Cymru.

Mae'r ddogfen hon hefyd ar gael yn Saesneg.

Cynnwys

Cynnwys.....	4
Tablau	5
Ffigurau	5
Negeseuon allweddol	6
Cyflwyniad.....	7
Cefndir.....	7
Cyflawni'r rhaglen	8
Llwybr Sgrinio	8
Prif Ystadegau	10
Data	11
Cwmpas.....	11
Gweithgarwch Sgrinio	14
Nifer sy'n cael ei sgrinio	16
Atgyfeiriad i gael asesiad	20
Triniaethau biopsi ar gyfer asesu	22
Cyfradd Darganfod Canser	24
Math o ganser a'i faint.....	27
Diffiniadau	31
Y Tîm Cynhyrchu.....	33
Manylion cyswllt y rhaglen.....	34

Tablau

Tabl1 : Atgyfeiriad i gael asesiad, pob oedran, yn ôl y math o wahoddiad/atgyfeiriad, 2020-21 i 2022-23	21
Tabl 2: Atgyfeiriad i gael asesiad a thriniaeth biopsi, pob oedran, yn ôl y math o wahoddiad/atgyfeiriad, 2020-21 i 2022-23	23
Tabl 3: Cyfradd darganfod canser (fesul 1,000 a gafodd brawf sgrinio), pob oedran, yn ôl y math o wahoddiad/atgyfeiriad, 2020-21 i 2022-23	25
Tabl 4: Canserau ymledol a ddarganfuwyd, pob oedran, yn ôl y math o wahoddiad/atgyfeiriad, 2020-21 i 2022-23	28
Tabl 5: Maint y canserau ymledol a ddarganfuwyd, pob oedran, yn ôl y math o wahoddiad/atgyfeiriad, 2020-21 i 2022-23	29
Tabl 6: Canserau anymledol/micro-ymledol a ddarganfuwyd, pob oedran, yn ôl y math o wahoddiad/atgyfeiriad, 2020-21 i 2022-23	30

Ffigurau

Ffigur 1: Llwybr ar gyfer sgrinio'r fron	9
Ffigur 2: Canran cwmpas sgrinio'r fron, menywod 53-70 oed, yn ôl bwrdd iechyd preswyl, 2021-2023	13
Ffigur 3: Cyfanswm gweithgarwch sgrinio dros 10 mlynedd, menywod 49 oed a hŷn, 2013-14 i 2022-23	15
Ffigur 4: Canran dros 10 mlynedd o'r nifer sy'n manteisio ar y gwahoddiad i gael prawf sgrinio'r fron rheolaidd, menywod 50-70 oed, 2013-14 i 2022-23	17
Ffigur 5: Canran y nifer sy'n cael ei sgrinio yn ôl uned sgrinio, menywod 50-70 oed, 2020-21 i 2022-23	18
Ffigur 6: Canran y nifer sy'n cael ei sgrinio yn ôl y math o wahoddiad, menywod 50-70 oed, 2020-21 i 2022-23	19
Ffigur 8: Cyfradd darganfod canser fesul 1,000 a gafodd brawf sgrinio, 2013-14 i 2022-23 yn ôl grŵp oedran	26
Ffigur 7: Cyfradd darganfod canser fesul 1,000 a gafodd eu sgrinio, yn ôl y math o wahoddiad, fesul uned sgrinio, 2020-21 i 2022-23	26

Negeseuon allweddol

- Mae sgrinio'r fron yn lleihau'r risg o farw o ganser y fron.
- Mae menywod rhwng 50 a 70 oed yn cael eu gwahodd i gael pelydr-X o'r fron bob tair blynedd. Ni chaiff menywod dros 70 oed eu gwahodd yn rheolaidd gan nad oes tystiolaeth bod gostyngiad mewn marwolaethau yn sgil sgrinio menywod yn yr ystod oedran hon.
- Gall sgrinio ddarganfod canserau pan fyddan nhw'n rhy fach i'w gweld neu eu teimlo. Mae darganfod canser yn gynnar a'i drin yn rhoi'r cyfle gorau i unigolyn oroesi.
- Mae sgrinio'r fron yn brawf am ddim gan y GIG a gynhelir mewn canolfannau sgrinio ac unedau symudol hygyrch ledled Cymru.
- Dylai pob menyw sy'n sylwi ar newid yn ei bronnau gysylltu â'i meddyg teulu ar unwaith.
- Ni fydd sgrinio yn darganfod pob canser, ac ni ellir gwella rhai canserau.
- Dewis unigolyn yw cymryd rhan mewn sgrinio'r fron. Mae taflenni gwybodaeth ar gael a all helpu wrth wneud penderfyniad.



GIG
CYMRU
NHS
WALES

Iechyd Cyhoeddus
Cymru
Public Health
Wales

Cyflwyniad

Cefndir

Mae'r adroddiad hwn yn grynodeb manwl o wybodaeth am y gwaith a wnaed gan Raglen Sgrinio'r Fron yng Nghymru ar gyfer y flwyddyn Ebrill 2022 hyd at ddiwedd Mawrth 2023. Mae'n cyflwyno data allweddol, cyflawniadau, a meysydd i'w gwella.

Prif nod sgrinio'r fron yw lleihau cyfraddau marwolaethau drwy adnabod canser y fron yn ei gamau cynnar, yn aml cyn i symptomau ymddangos. Mae menywod rhwng 50 a 70 oed sy'n byw yng Nghymru ac wedi cofrestru gyda Meddyg Teulu yn cael eu gwahodd i gael mamogram (pelydr-X o'r bronau) bob tair blynedd.

Cymhwysedd

Cynigir sgrinio i unigolion cymwys yn seiliedig ar ganllawiau sefydledig, gan sicrhau mynediad at ofal ac adnoddau o ansawdd uchel.

Mae menywod rhwng 50 a 70 oed yn cael eu gwahodd i gael prawf sgrinio'r fron bob tair blynedd. Mae'r broses wahodd yn dibynnu ar y practis meddyg teulu y mae'r unigolyn wedi cofrestru ynddo. Bydd Bron Brawf Cymru yn gwahodd pob menyw i'w phrawf sgrinio'r fron cyntaf cyn ei phen-blwydd yn 53 oed. Weithiau, mae hyn yn golygu y bydd rhai menywod yn cael eu gwahodd ychydig amser cyn iddynt gyrraedd 50 oed.

Ffynonellau gwybodaeth ychwanegol

Mae rhagor o wybodaeth am y rhaglen a chopïau o adroddiadau ystadegol blaenorol ar gael ar wefan Bron Brawf Cymru: <https://icc.qig.cymru/gwasanaethau-a-thimau/sgrinio/bron-brawf-cymru/>

Lleoliadau sgrinio

Mae Bron Brawf Cymru wedi'i rhannu'n dair adran ddaearyddol â chanolfannau yng Nghaerdydd, Abertawe, Llandudno a Wrecsam. Mae deuddeg uned symudol yn gweithio ledled Cymru i ddarparu profion sgrinio lleol i fenywod sy'n byw cryn bellter o ganolfan, ac maent yn ymweld â dros 100 o safleoedd ym mhob cylch sgrinio tair blynedd.

Crynodeb o weithgarwch yn y flwyddyn a adroddwyd

Dros y cyfnod 2022/23 cynyddodd y rhaglen y gweithgarwch cyffredinol, a gwahoddwyd mwy o gyfranogwyr er mwyn lleihau hyd y cylch sgrinio estynedig yn dilyn y pandemig. Effeithiodd y

pandemig ar sgrinio'r fron gan achosi gostyngiad yn y capasiti cyffredinol ac amseroedd aros hirach am wahoddiadau sgrinio.

Roedd cyflawni safonau o ran nifer a chwmpas y rhai a oedd yn cael eu sgrinio yn parhau i fod yn heriol dros y cyfnod hwn. Fodd bynnag, cafwyd gwelliant yn y cyfraddau darganfod canser, ac roedd nifer sylweddol o'r canserau ymledol a ddarganfuwyd yn llai na 15mm, felly'n fach ac yn annhebygol y byddent wedi'u darganfod drwy deimlo â llaw.

Datblygiadau ers y flwyddyn a adroddwyd

Yn 2023/24 canolbwyntiodd y rhaglen ar wella amseroldeb cyffredinol dangosyddion allweddol y rhaglen a rhoddwyd pwyslais penodol ar amseroedd cyflwyno canlyniadau a chyflawni amseroedd aros byrrach i fynd i glinigau asesu, ac adferiad llawn yn safon hyd y cylch sgrinio 36 mis.

Cafodd nifer o ffrydiau gwaith allweddol eu datblygu yn ystod y cyfnod hwn, gan gynnwys datblygu system ddemograffeg newydd i sicrhau sefydlogrwydd hirdymor y systemau sy'n ofynnol i nodi a gwahodd cyfranogwyr cymwys (DEWIS). Mae'r fflyd o unedau symudol ar gyfer sgrinio'r fron a'r clinigau asesu wedi cwblhau proses uwchraddio offer gynhwysfawr ac mae'r systemau mamograffeg diweddaraf ar waith ynddynt.

Mae Bron Brawf Cymru yn gweithio gyda Byrddau Iechyd Cymru i ddatblygu llwybr sy'n cydymffurfio â NICE ar gyfer menywod sydd â risg uchel iawn o ganser y fron. Mae'n sicrhau y bydd ganddynt fynediad at sganiau MRI a'r amllder priodol ar gyfer sgrinio'r fron ledled Cymru.

Cyflawni'r rhaglen

Mae Is-adran Sgrinio Iechyd Cyhoeddus Cymru yn gyfrifol am reoli, cyflawni a sicrhau ansawdd y rhaglen sgrinio'r fron yng Nghymru ac mae ganddi Gyfarwyddwr Sgrinio ac Ymgynghorydd Arweiniol Iechyd y Cyhoedd. Mae Bron Brawf Cymru yn cyflogi Pennaeth Rhaglen, Llawfeddyg Sicrhau Ansawdd (SA), Radiolegydd SA, Patholegydd SA a Rheolwr Rhaglen Llwybr Sgrinio Cymru Gyfan sy'n arwain tîm gweinyddol llwybrau sgrinio, ac mae cefnogaeth ysgrifenyddol feddygol. Mae tîm clinigol amlddisgyblaeth arbenigol mawr sy'n cynnwys cymorth clinig, nyrsys gofal y fron, nyrsys clinig, radiograffwyr, radiograffwyr ymgynghorol, clinigwyr y fron, llawfeddygon y fron a radiolegwyr ymgynghorol, sy'n darparu'r gwasanaeth sgrinio'r fron.


Llwybr Sgrinio

Cynigir prawf sgrinio i fenywod 50-70 oed sy'n byw yng Nghymru ac sydd wedi cofrestru gyda meddyg teulu naill ai mewn uned symudol yn eu hardal neu yn un o'r canolfannau yn Llandudno, Wrecsam, Abertawe neu Gaerdydd.

Bydd menywod rhwng 50 a 70 oed sydd ag apwyntiad dilynol mewn clinig y fron mewn ysbyty yn dal i dderbyn gwahoddiad gan Brawf Bron Cymru.

Ni chaiff menywod dros 70 oed eu gwahodd yn rheolaidd gan nad oes tystiolaeth bod gostyngiad mewn marwolaethau yn sgil sgrinio menywod yn yr ystod oedran hon.

Bydd menywod sy'n dod i apwyntiad sgrinio yn cael mamogram (pelydr-X o'u bronnau). Os gwelir unrhyw annormaleddau ar y mamogram, gwahoddir y fenyw i glinig asesu i gael profion ychwanegol.



Ffigur 1: Llwybr ar gyfer sgrinio'r fron

Prif Ystadegau

Mae'r adroddiad hwn yn cwmpasu gweithgarwch yn y cyfnod rhwng Ebrill 2022 a Mawrth 2023.

- Ar 31 Mawrth 2023, roedd cwmpas menywod 53-70 oed yn 56.1%.
- Cafodd 122,190 o fenywod 49 oed a hŷn brawf sgrinio.
- Gwahoddwyd 151,155 o fenywod rhwng 50 a 70 oed. Roedd nifer y bobl a gafodd brawf sgrinio yn y grŵp hwn yn 69.5%.
- Atgyfeiriwyd 4.0% o'r rhai a sgriniwyd am asesiad pellach.
- Darganfuwyd 1,182 o ganserau ymhlith menywod a gafodd brawf sgrinio a oedd yn 49 oed a hŷn. Mae hyn yn cynrychioli 9.7 achos fesul 1,000 o fenywod a sgriniwyd.
- O'r canserau a ddarganfuwyd, roedd 83.0% (981) yn friwiau ymledol.
- Cafodd 41.3% (405) o'r canserau ymledol a ddarganfuwyd eu categorioiddio yn rhai bach (llai na 15mm).

Data

Cwmpas

Diffiniad a safon

Diffinnir cwmpas fel canran y menywod sy'n byw yn yr ardal, sy'n gymwys i gael prawf sgrinio'r fron ar adeg benodol, ac sydd wedi cael eu sgrinio o fewn y tair blynedd flaenorol. Mae menywod anghymwys yn cynnwys y rhai sydd wedi cael mastectomi dwyochrog.

Gall y nifer sy'n cael ei sgrinio yn ogystal â hyd y cylch sgrinio (gwahoddiadau a gyhoeddwyd o fewn 36 mis i'r sgrinio blaenorol) effeithio ar y cwmpas. Er mwyn rhoi amser i bob menyw dderbyn ei gwahoddiad cyntaf, cyflwynir y cwmpas ar gyfer yr ystod oedran 53-70.

Safon: $\geq 70\%$

Canlyniad ar gyfer 2022-2023

Ar 31 Mawrth 2023, roedd cwmpas menywod 53-70 oed yn 56.1%.

Tuedd tair blynedd

Roedd y cwmpas yn 56.1% ar 31 Mawrth 2023, 56.5% ar 31 Mawrth 2022, a 58.4% ar 31 Mawrth 2021.

Trosolwg daearyddol

Mae cwmpas sgrinio'r fron, yn ôl bwrdd iechyd preswyl, yn amrywio o 43.5% i 71.9% (Ffigur 2).

Sylw

Yn ystod 2022-23, parhaodd hyd y cylch sgrinio wella yn dilyn effaith pandemig Covid-19 ac mae'n ôl i'r lefelau cyn y pandemig. Er bod y cwmpas wedi lleihau ychydig (56.1%) o 2022 (56.5%), bydd effaith yr adferiad o ran hyd y cylch sgrinio yn dechrau cael ei dangos yn ffigurau'r cwmpas yn yr adroddiad blynyddol nesaf.

Arsylwadau Allweddol:

1) Dirywiad Cyffredinol mewn Cwmpas:


Mae cwmpas sgrinio'r fron wedi gostwng, ar lefel genedlaethol, o 58.4% ar 31/03/21 i 56.1% ar 31/03/23. Er bod y patrwm hwn yn cael ei ailadrodd ar draws pum bwrdd iechyd preswyl (heb y modd graddol a welwyd ar lefel genedlaethol), mewn dau achos mae'r cwmpas wedi cynyddu. Ar hyn o bryd, ym mhob bwrdd iechyd preswyl ond un (Addysgu Powys) mae'r ddarpariaeth yn sylweddol is na'r safon darged.

Gan fod y cwmpas yn edrych yn ôl ar y 3 blynedd flaenorol ac effaith y nifer sy'n cael ei sgrinio a hyd y cylch sgrinio arno, bydd yr effaith sylweddol yn sgil y tarfu a fu gan bandemig Covid wedi effeithio ar y ffigurau hyn.

2) Amrywiadau Ymhlith y Byrddau Iechyd Preswyl:

Mae ystod nodedig o ran cwmpas ar draws byrddau iechyd preswyl. Yn 2023, Caerdydd a'r Fro oedd â'r cwmpas isaf (43.5%) a Phowys â'r uchaf (71.9%). Fodd bynnag, mae amrywiannau ar draws y cyfnod tair blynedd.

Ffigurau a thablau



Ffigur 2: Canran cwmpas sgrinio'r fron, menywod 53-70 oed, yn ôl bwrdd iechyd preswyl, 2021-2023

Darperir cwmpas ar gyfer tri dyddiad penodol: 31/03/21, 31/03/22, a 31/03/23 ac mae'r llinell doredig yn cynrychioli targed y rhaglen o 70%.

Gweithgarwch Sgrinio

Diffiniad a safon

Mae menywod yn cael eu gwahodd yn rheolaidd i gael profion sgrinio'r fron os ydynt rhwng 50 a 70 oed (neu'n 49 oed os ydynt yn troi'n 50 yn y flwyddyn y caiff eu practis ei sgrinio).

Mae'r niferoedd ar gyfer gweithgarwch sgrinio hefyd yn cynnwys menywod dros 70 oed sydd wedi cysylltu â'r gwasanaeth i ofyn am brawf sgrinio.

Safon: Nid oes safon yn bodoli.

Canlyniad ar gyfer 2022-23

Cafodd 122,190 o fenywod 49 oed a hŷn brawf sgrinio (Ffigur 3).

Tuedd tair blynedd


Roedd gweithgarwch sgrinio yn 122,190 yn 2022-23, 108,191 yn 2021-22, a 46,723 yn 2020-21.

Sylw

Er bod y rhaglen wedi dangos adferiad da o ran gweithgarwch sgrinio yn ystod 2021-22 yn dilyn pandemig Covid, mae gweithgarwch 2022-23 yn ôl i'r lefelau cyn y pandemig.

Er y gall menywod dros 70 oed gysylltu â'r rhaglen i ofyn am brawf sgrinio, mae'n bwysig nodi nad oes tystiolaeth gadarn bod sgrinio rheolaidd yn achub bywydau yn y grŵp oedran hŷn hwn. Dylai pob menyw sy'n sylwi ar newid yn ei bronau gysylltu â'i meddyg teulu ar unwaith.

Ffigurau a thablau



Ffigur 3: Cyfanswm gweithgarwch sgrinio dros 10 mlynedd, menywod 49 oed a hŷn, 2013-14 i 2022-23

Nifer sy'n cael ei sgrinio

Diffiniad a safon

Canran y menywod sy'n cael gwahoddiad rheolaidd (50-70 oed) ac sy'n mynychu profion sgrinio o fewn chwe mis o gael gwahoddiad.

Safon: $\geq 70\%$

Canlyniad ar gyfer 2022-2023

Gwahoddwyd 151,155 o fenywod rhwng 50 a 70 oed i gael prawf sgrinio, a manteisiodd 69.5% ar y gwahoddiad (Ffigur 4).

Tuedd tair blynedd

Roedd y nifer a gafodd brawf sgrinio yn 69.5% yn 2022-23, 70.0% yn 2021-22, a 67.1% yn 2020-21.

Trosolwg daearyddol

O ran amrywiadau rhanbarthol, mae'r nifer sy'n cael ei sgrinio yn y flwyddyn hon ar ei uchaf yng Ngogledd Cymru (72.1%) ac yna De-orllewin Cymru (70.2%); mae'r ddwy ardal o fewn y safon. Mae De-ddwyrain Cymru yn is na'r safon (67.7%) (Ffigur 5).

Sylw

Gall y nifer sy'n cael ei sgrinio amrywio yn ôl y math o wahoddiad. Gellir rhannu'r gwahoddiadau rheolaidd i'r grwpiau canlynol:


- Gwahoddiad cyntaf
- Gwahoddiad i'r rhai nad ydynt wedi bod yn dod i gael prawf sgrinio ynghynt
- Gwahoddiad i'r rhai sy'n dod i gael prawf sgrinio'n rheolaidd
- Gwahoddiad i'r rhai sydd wedi esgeuluso dod i gael prawf sgrinio

Fel y mae Ffigur 6 yn ei ddangos, mae'r nifer sy'n dod i gael prawf sgrinio ar ei uchaf ymhlith y rhai sy'n dod yn rheolaidd (87.3%) ac ar ei isaf ymhlith y rhai nad ydynt wedi bod yn dod i gael prawf sgrinio ynghynt (20.7%). Mae Bron Brawf Cymru yn darparu gwybodaeth ysgrifenedig gyda'i


wahoddiadau i gefnogi menywod i wneud dewis ar sail gwybodaeth wrth benderfynu a ddylent fynd am brawf sgrinio'r fron ai peidio.

Sefydlwyd gweithgorau o fewn yr Is-adran Sgrinio a'r Rhaglen Sgrinio'r Fron i asesu a rhoi ymyriadau ar waith i gefnogi'r nifer sy'n cael ei sgrinio. Rhoddir mwy o bwyslais ar ddatblygu ymyriadau sy'n lleihau anghydraddoldebau ac yn gwella iechyd ei phoblogaeth darged. Mae gwaith ar droed hefyd i edrych ar sut y gall negeseuon testun a chyfryngau cymdeithasol digidol gefnogi nifer y bobl sy'n cael prawf sgrinio'r fron.

Ffigurau a thablau




Ffigur 4: Canran dros 10 mlynedd o'r nifer sy'n manteisio ar y gwahoddiad i gael prawf sgrinio'r fron rheolaidd, menywod 50-70 oed, 2013-14 i 2022-23



Ffigur 5: Canran y nifer sy'n cael ei sgrinio yn ôl uned sgrinio, menywod 50-70 oed, 2020-21 i 2022-23

Mae Gogledd Cymru a De-orllewin Cymru ill dau uwchlaw'r safon ($\geq 70\%$) ac mae De-ddwyrain Cymru 2.3% islaw'r safon.



Ffigur 6: Canran y nifer sy'n cael ei sgrinio yn ôl y math o wahoddiad, menywod 50-70 oed, 2020-21 i 2022-23

Atgyfeiriad i gael asesiad

Diffiniad a safon

Os gwelir annormaleddau ar y mamogram sgrinio sy'n awgrymu bod canser yno, bydd y fenyw yn cael ei hailalw i glinig asesu i gael profion ychwanegol. Disgwylir y bydd mwy o fenywod yn cael eu hailalw yn dilyn eu prawf sgrinio cyntaf (sgrinio cyffredin) gan nad oes delweddau blaenorol yn bodoli i lywio'r penderfyniad ar gyfer ailalw.

Mae'r cyfraddau atgyfeirio ar gyfer menywod sydd wedi cael eu sgrinio o'r blaen (sgrinio achos) yn debygol o fod yn is oherwydd byddant yn cyflwyno gyda chlefyd mwy diweddar a gall yr hanes sgrinio gynorthwyo'r darllynydd delweddau wrth ddehongli'r mamogram.

Safon: Mae safon cyfradd atgyfeirio sgrinio cyffredin yn <9%. Mae safon cyfradd atgyfeirio achos yn <4%.

Canlyniad ar gyfer 2022-2023

Cafodd 4.0% o'r holl fenywod, o bob oedran, a gafodd prawf sgrinio, eu hatgyfeirio i gael asesiad. Ar gyfer menywod a gafodd y prawf sgrinio cyffredin, roedd y gyfradd atgyfeirio yn 5.9% ac roedd yn 3.3% ar gyfer menywod a gafodd y prawf sgrinio achos (Tabl 1).

Tuedd tair blynedd

4.0% yn gyfan gwbl (5.9% sgrinio cyffredin, 3.3% sgrinio achos) yn 2022-23, 4.8% yn gyfan gwbl (7.0% sgrinio cyffredin, 4.0% sgrinio achos) yn 2021-22, a 5.4% yn gyffredinol (7.7% sgrinio cyffredin, 4.3% sgrinio achos) yn 2020-21.

Trosolwg daearyddol

Yn 2022-23, o'r holl rai a sgriniwyd yng Ngogledd a De-ddwyrain Cymru, cafodd 3.9% eu hatgyfeirio i gael asesiad, tra bo'r gyfradd yn 4.2% yn Ne-orllewin Cymru.

Yng Ngogledd Cymru, atgyfeiriwyd 7.4% o fenywod a gafodd y prawf sgrinio cyffredin, ac atgyfeiriwyd 2.9% o fenywod a gafodd y prawf sgrinio achos. Yn Ne-ddwyrain Cymru atgyfeiriwyd 5.4% o fenywod a gafodd y prawf sgrinio cyffredin ac atgyfeiriwyd 3.3% o fenywod a gafodd y prawf sgrinio achos. Yn olaf, yn Ne-orllewin Cymru roedd y cyfraddau atgyfeirio yn 5.3% ar gyfer y rhai a gafodd y prawf sgrinio cyffredin a 3.8% ar gyfer y rhai a gafodd y prawf sgrinio achos.

Sylw

Dros dair blynedd, mae'r cyfraddau atgyfeirio wedi gostwng, ac mae'r holl ffigurau yn 2022-23 yn cyrraedd y safonau diffiniedig neu islaw iddynt.

Amrywiadau Rhanbarthol:

Gogledd Cymru sydd â'r gyfradd atgyfeirio uchaf ar gyfer y sgrinio cyffredin (7.4%), a De-orllewin Cymru sydd â'r gyfradd atgyfeirio uchaf ar gyfer y sgrinio achos (3.8%).

Ffigurau a thablau

Tabl1 : Atgyfeiriad i gael asesiad, pob oedran, yn ôl y math o wahoddiad/atgyfeiriad, 2020-21 i 2022-23

	2020-21			2021-22			2022-23		
	Sgrinio	Atgyfeirio	%	Sgrinio	Atgyfeirio	%	Sgrinio	Atgyfeirio	%
Cyfanswm	46,723	2531	5.4	108,191	5141	4.8	122,190	4860	4.0
Sgrinio Cyffredin	12,732	978	7.7	19,641	1379	7.0	21,303	1256	5.9
Sgrinio Achos	31,788	1373	4.3	76,460	3057	4.0	87,535	2917	3.3
Gwahoddiad cyntaf i gael prawf sgrinio rheolaidd	10,806	851	7.9	16,402	1141	7.1	16,184	968	6.0
Gwahoddiad rheolaidd i'r rhai nad ydynt wedi bod o'r blaen i gael prawf sgrinio	1926	127	6.6	3599	238	6.6	5119	288	5.6
Gwahoddiad rheolaidd i'r rhai sydd wedi bod o'r blaen, prawf sgrinio diwethaf o fewn 5 mlynedd	29,984	1254	4.2	72,341	2823	3.9	82,875	2705	3.3
Gwahoddiad rheolaidd i'r rhai sydd wedi bod o'r blaen, prawf sgrinio diwethaf dros 5 mlynedd ynghynt	1804	119	6.6	4119	234	5.7	4660	212	4.5
Ailalw'n gynnar	42	42	100	34	34	100	52	52	100.0
Hunanatgyfeiriad/Atgyfeiriad gan y meddyg teulu	2161	138	6.4	12,056	671	5.6	13,300	635	4.8

Triniaethau biopsi ar gyfer asesu

Diffiniad a safon

Fel rhan o'r broses asesu, cynhelir prawf mamogram ychwanegol ac archwiliad o'r fron. Os bydd pryder o hyd ar ôl i'r profion ychwanegol hyn ynghyd â sgan uwchsain gael eu gwneud, bydd yn ofynnol cynnal biopsi er mwyn gwneud diagnosis.

Cynhelir y rhan fwyaf o fiopsïau mewn clinig asesu a defnyddir techneg nodwydd lydan (wide bore needle) Mae nifer fach iawn o allsugnadau o'r fron yn cael eu gwneud â nodwydd fân bob blwyddyn ond mae hyn fel arfer yn ychwanegol at gael sampl o feinwe drwy nodwydd lydan neu fiopsi â chymorth sugnwr. Efallai y bydd angen gwneud toriad â chymorth sugnwr neu fiopsi llawfeddygol agored ar nifer bach arall o fenywod er mwyn cael diagnosis pendant.

Safon: Nid oes safon yn bodoli.

Canlyniad ar gyfer 2022-2023

O'r 4,860 o fenywod a atgyfeiriwyd am asesiad, cafodd 45.7% (2223) fiopsi â nodwydd lydan a/neu fiopsi â chymorth sugnwr, ac roedd angen biopsi llawfeddygol agored ar 0.7% (33) (Tabl 2).

Tuedd tair blynedd

Cafodd 45.7% fiopsi nodwydd lydan/â chymorth sugnwr, ac roedd angen biopsi agored ar 0.7% yn 2022-23. Cafodd 44.2% fiopsi â nodwydd a 0.9% fiopsi agored yn 2021-22, cafodd 40.2% fiopsi â nodwydd ac 1.2% fiopsi agored yn 2020-21.

Sylw

Mae mabwysiadu proses ar gyfer cynnal biopsi â chymorth sugnwr a gwneud toriad â chymorth sugnwr ar gyfer rhai briwiau ar draws y rhaglen wedi arwain at ostyngiad yn nifer y rhai sy'n cael ei atgyfeirio i gael triniaethau biopsi agored.

Cynhelir y triniaethau â nodwydd yn bennaf mewn uned Bron Brawf Cymru, ac mae biopsi agored yn llawdriniaeth feddygol sy'n ei gwneud yn ofynnol mynd i'r ysbyty.

Ffigurau a thablau

Tabl 2: Atgyfeiriad i gael asesiad a thriniaeth biopsi, pob oedran, yn ôl y math o wahoddiad/atgyfeiriad, 2020-21 i 2022-23

	2020-21					2021-22					2022-23				
	Atgyfeirio	Nodwydd Bx	%	Bx Agored	%	Atgyfeirio	Nodwydd Bx	%	Bx Agored	%	Atgyfeirio	Nodwydd Bx	%	Bx Agored	%
Cyfanswm	2531	1018	40.2	31	1.2	5141	2274	44.2	44	0.9	4860	2223	45.7	33	0.7
Sgrinio Cyffredin	978	411	42.0	16	1.6	1379	609	44.2	13	0.9	1256	564	44.9	8	0.6
Sgrinio Achos	1373	547	39.8	14	1.0	3057	1339	43.8	24	0.8	2917	1316	45.1	18	0.6
Gwahoddiad cyntaf i gael prawf sgrinio rheolaidd	851	353	41.5	14	1.6	1141	494	43.3	12	1.1	968	441	45.6	6	0.6
Gwahoddiad rheolaidd i'r rhai nad ydynt wedi bod o'r blaen i gael prawf sgrinio	127	58	45.7	2	1.6	238	115	48.3	1	0.4	288	123	42.7	2	0.7
Gwahoddiad rheolaidd i'r rhai sydd wedi bod o'r blaen, prawf sgrinio diwethaf o fewn 5 mlynedd	1254	489	39.0	14	1.1	2823	1215	43.0	21	0.7	2705	1188	43.9	16	0.6
Gwahoddiad rheolaidd i'r rhai sydd wedi bod o'r blaen, prawf sgrinio diwethaf dros 5 mlynedd ynghynt	119	58	48.7	0	0	234	124	53.0	3	1.3	212	128	60.4	2	0.9
Ailalw'n gynnar	42	6	14.3	1	2.4	34	1	2.9	1	2.9	52	9	17.3	1	1.9
Hunanatgyfeiriad/Atgyfeiriad gan y meddyg teulu	138	54	39.1	0	0	671	325	48.4	6	0.9	635	334	52.6	6	0.9

Cyfradd Darganfod Canser

Diffiniad a safon

Cyfradd y canserau a ddarganfuwyd ymhlith menywod sydd wedi cael eu sgrinio, 49 oed a hŷn. Darperir Cyfraddau Darganfod Canser ar gyfer pob oedran ac yn ôl y math o wahoddiad/atgyfeiriad.

Safon: Mae ystod o safonau ar waith gan y rhaglen, yn dibynnu ar y math o ganser:

Darganfod cancer ymledol (cyffredin): 3.6 fesul 1000 (isafswm), 5.1 fesul 1000 (targed)
Darganfod cancer ymledol (achos): 4.1 fesul 1000 (isafswm), 5.7 fesul 1000 (targed)

Darganfod cancer ymledol bach (cyffredin): 2.0 fesul 1000 (isafswm), 2.8 fesul 1000 (targed)
Darganfod cancer ymledol bach (achos): 2.3 fesul 1000 (isafswm), 3.1 fesul 1000 (targed)

Darganfod cancer anymledol (cyffredin): 0.5 fesul 1000 (targed)
Darganfod cancer anymledol (achos): 0.6 fesul 1000 (targed)

Canlyniad ar gyfer 2022-2023

Darganfuwyd cyfanswm o 1182 o ganserau ymhlith menywod 49 oed a hŷn a gafodd brawf sgrinio. Mae hyn yn cynrychioli 9.7 o ganserau fesul 1,000 o fenywod a gafodd brawf sgrinio. Roedd darganfod cancer ymhlith menywod a gafodd brawf sgrinio cyffredin yn 8.5 fesul 1,000 a sgriniwyd. Ar gyfer menywod a gafodd brawf sgrinio achos, roedd y gyfradd yn 9.0 fesul 1,000 a sgriniwyd (Tabl 3).

Tuedd tair blynedd

1182 o ganserau (9.7 fesul 1,000 o'r holl fenywod a gafodd brawf sgrinio, 8.5 fesul 1,000 o fenywod a gafodd brawf sgrinio cyffredin, 9.0 fesul 1,000 o fenywod a gafodd brawf sgrinio achos) yn 2022-23; 1121 o ganserau (10.4 fesul 1,000 o'r holl fenywod a gafodd brawf sgrinio, 9.4 fesul 1,000 o fenywod a gafodd brawf sgrinio cyffredin, 9.9 fesul 1,000 o fenywod a gafodd brawf sgrinio achos) yn 2021-22, a 484 o ganserau (10.4 fesul 1,000 o'r holl fenywod a gafodd brawf sgrinio, 10.1 fesul 1,000 o fenywod a gafodd brawf sgrinio cyffredin, 10.3 fesul 1,000 o fenywod a gafodd brawf sgrinio achos) yn 2020-21.

Trosolwg daearyddol

Mae archwiliad o gyfraddau darganfod cancer ar lefel yr uned sgrinio yn dangos bod gostyngiad cyffredinol yng Ngogledd a De-orllewin Cymru o 2021-22 ond cynnydd yn y De-ddwyrain (Ffigur 7).


Sylw

Mae digwyddedd cancer y fron yn uwch yn gyffredinol ymhlith y grwpiau oedran hŷn. Ar gyfer y menywod a wahoddir yn rheolaidd, yn 2022-23 roedd y gyfradd darganfod cancer ar gyfer menywod 50-54 oed yn 6.9 fesul 1,000 a gafodd brawf sgrinio, ac roedd yn codi i 11.2 fesul 1,000 yn y grŵp oedran 65-70 (Ffigur 8).


Ffigurau a thablau

Tabl 3: Cyfradd darganfod cancer (fesul 1,000 a gafodd brawf sgrinio), pob oedran, yn ôl y math o wahoddiad/atgyfeiriad, 2020-21 i 2022-23

	2020-21			2021-22			2022-23		
	Wedi'u sgrinio	Canserau	Cyfradd	Wedi'u sgrinio	Canserau	Cyfradd	Wedi'u sgrinio	Canserau	Cyfradd
Cyfanswm	46,723	484	10.4	108,179	1121	10.4	122,189	1182	9.7
Sgrinio Cyffredin	12,732	128	10.1	19,641	184	9.4	21303	181	8.5
Sgrinio Achos	31,788	327	10.3	76,460	754	9.9	87535	790	9.0
Gwahoddiad cyntaf i gael prawf sgrinio rheolaidd	10,806	106	9.8	16,042	137	8.5	16,184	133	8.2
Gwahoddiad rheolaidd i'r rhai nad ydynt wedi bod o'r blaen i gael prawf sgrinio	1926	22	11.4	3599	47	13.1	5119	48	9.4
Gwahoddiad rheolaidd i'r rhai sydd wedi bod o'r blaen, prawf sgrinio diwethaf o fewn 5 mlynedd	29,984	296	9.9	72,341	681	9.4	82,875	712	8.6
Gwahoddiad rheolaidd i'r rhai sydd wedi bod o'r blaen, prawf sgrinio diwethaf dros 5 mlynedd ynghynt	1804	31	17.2	4119	73	17.7	4660	78	16.7
Ailalw'n gynnar	42	0	0	34	1	29.4	52	4	76.9
Hunanatgyfeiriad/Atgyfeiriad gan y meddyg teulu	2161	29	13.4	12,056	182	15.1	13,300	207	15.6



Ffigur 8: Cyfradd darganfod canser fesul 1,000 a gafodd eu sgrinio, yn ôl y math o wahoddiad, fesul uned sgrinio, 2020-21 i 2022-23



Ffigur 7: Cyfradd darganfod canser fesul 1,000 a gafodd brawf sgrinio, 2013-14 i 2022-23 yn ôl grŵp oedran

Math o ganser a'i faint

Diffiniad a safon

Disgrifir canserau'r fron a nodir mewn dau grŵp. Canser ymledol yw un sydd wedi lledaenu i feinwe iach y fron ac o'i chwmpas. Mae canser anymledol neu ficro-ymledol yn gyfyngedig i ddwythellau a llabedynnau'r fron neu efallai ei fod wedi dechrau lledaenu ond dim ond ychydig bach iawn (llai nag 1mm).

Safon: Nid oes safon yn bodoli.

Canlyniad ar gyfer 2022-2023

Yn 2022-23 roedd 83.0% o'r canserau a ddarganfuwyd yn rhai ymledol ymhlith menywod a gafodd brawf sgrinio (Tabl 4). Roedd y canserau ymledol sydd fel arfer yn rhy fach i'w teimlo (llai na 15mm) yn cyfrif am 41.3% o'r holl ganserau ymledol (Tabl 5).

Roedd clefydau anymledol neu ficro-ymledol yn cyfrif am 17.0% o'r holl ganserau a ddarganfuwyd yn 2022-23 (Tabl 6).

Tuedd tair blynedd

83.0% ymledol (41.3% ohonynt yn llai na 15mm) a 17.0% yn anymledol yn 2022-23, 81.7% ymledol (42.7% ohonynt yn llai na 15mm) a 18.3% yn anymledol yn 2021-22, 80.2% ymledol (51.5% ohonynt yn llai na 15mm o faint) a 19.8% yn anymledol 2020-21.

Sylw

Mae cyfran y canserau mwy (15mm+) a gafodd eu diagnosio wedi cynyddu dros y tair blynedd, yn enwedig ymhlith menywod a gafodd brawf sgrinio cyffredin.

Ffigurau a thablau

Tabl 4: Canserau ymledol a ddarganfuwyd, pob oedran, yn ôl y math o wahoddiad/atgyfeiriad, 2020-21 i 2022-23

	2020-21			2021-22			2022-23		
	Canserau	Ymledol	%	Canserau	Ymledol	%	Canserau	Ymledol	%
Cyfanswm	484	388	80.2	1121	916	81.7	1182	981	83.0
Sgrinio Cyffredin	128	97	75.8	184	150	81.5	181	145	80.1
Sgrinio Achos	327	268	82.0	754	605	80.2	790	651	82.4
Gwahoddiad cyntaf i gael prawf sgrinio rheolaidd	106	77	72.6	137	107	78.1	133	105	78.9
Gwahoddiad rheolaidd i'r rhai nad ydynt wedi bod o'r blaen i gael prawf sgrinio	22	20	90.9	47	43	91.5	48	40	83.3
Gwahoddiad rheolaidd i'r rhai sydd wedi bod o'r blaen, prawf sgrinio diwethaf o fewn 5 mlynedd	296	242	81.8	681	544	79.9	712	591	83.0.
Gwahoddiad rheolaidd i'r rhai sydd wedi bod o'r blaen, prawf sgrinio diwethaf dros 5 mlynedd ynghynt	31	26	83.9	73	61	83.6	78	60	76.9
Ailalw'n gynnar	0	0	0	1	1	100	4	3	75.0
Hunanatgyfeiriad/Atgyfeiriad gan y meddyg teulu	29	23	79.3	182	160	87.9	207	182	87.9

Tabl 5: Maint y canserau ymledol a ddarganfuwyd, pob oedran, yn ôl y math o wahoddiad/atgyfeiriad, 2020-21 i 2022-23

	2020-21					2021-22					2022-23				
	Cyfanswm y rhai a gafodd eu gwahodd	<15 mm	%	15+ mm	%	Cyfanswm y rhai a gafodd eu gwahodd	<15 mm	%	15+ mm	%	Cyfanswm y rhai a gafodd eu gwahodd	<15 mm	%	15+ mm	%
Cyfanswm	388	200	51.5	160	41.2	916	391	42.7	462	50.4	981	405	41.3	504	51.4
Sgrinio Cyffredin	97	50	51.5	38	39.2	150	61	40.7	75	50.0	145	40	27.6	92	63.4
Sgrinio Achos	268	141	52.6	112	41.8	605	271	44.8	301	49.8	651	292	44.9	319	49.0
Gwahoddiad cyntaf i gael prawf sgrinio rheolaidd	77	39	50.6	30	39.0	107	44	41.1	53	49.5	105	27	25.7	70	66.7
Gwahoddiad rheolaidd i'r rhai nad ydynt wedi bod o'r blaen i gael prawf sgrinio	20	11	55.0	8	40.0	43	17	39.5	22	51.2	40	13	32.5	22	55.0
Gwahoddiad rheolaidd i'r rhai sydd wedi bod o'r blaen, prawf sgrinio diwethaf o fewn 5 mlynedd	242	127	52.5	101	41.7	544	250	46.0	266	48.9	591	269	45.5	289	48.9
Gwahoddiad rheolaidd i'r rhai sydd wedi bod o'r blaen, prawf sgrinio diwethaf dros 5 mlynedd ynghynt	26	14	53.8	11	42.3	61	21	34.4	35	57.4	60	23	38.3	30	50.0
Ailalw'n gynnar	0	0	0	0	0	1	1	100	0	0	3	1	33.3	2	66.7
Hunanatgyfeiriad/ Atgyfeiriad gan y meddyg teulu	23	9	39.1	10	43.5	160	58	36.3	86	53.8	182	72	39.6	91	50.0

Nodyn: bob blwyddyn mae nifer o ganserau ymledol na ellir eu mesur

Tabl 6: Canserau anymledol/micro-ymledol a ddarganfuwyd, pob oedran, yn ôl y math o wahoddiad/atgyfeiriad, 2020-21 i 2022-23

	2020-21			2021-22			2022-23		
	Canserau	Anymledol neu ficro- ymledol	%	Canserau	Anymledol neu ficro- ymledol	%	Canserau	Anymledol neu ficro- ymledol	%
Cyfanswm	484	96	19.8	1121	205	18.3	1182	201	17.0
Sgrinio Cyffredin	128	31	24.2	184	34	18.5	181	36	19.9
Sgrinio Achos	327	59	18.0	754	149	19.8	790	139	17.6
Gwahoddiad cyntaf i gael prawf sgrinio rheolaidd	106	29	27.4	137	30	21.9	133	28	21.1
Gwahoddiad rheolaidd i'r rhai nad ydynt wedi bod o'r blaen i gael prawf sgrinio	22	2	9.1	47	4	8.5	48	8	16.7
Gwahoddiad rheolaidd i'r rhai sydd wedi bod o'r blaen, prawf sgrinio diwethaf o fewn 5 mlynedd	296	54	18.2	681	137	20.1	712	121	17.0
Gwahoddiad rheolaidd i'r rhai sydd wedi bod o'r blaen, prawf sgrinio diwethaf dros 5 mlynedd ynghynt	31	5	16.1	73	12	16.4	78	18	23.1
Ailalw'n gynnar	0	0	0	1	0	0	4	1	25.0
Hunanatgyfeiriad/ Atgyfeiriad gan y meddyg teulu	29	6	20.7	182	22	12.1	207	25	12.1

Diffiniadau

Cwmpas

Canran y menywod sy'n byw yn yr ardal ac sy'n gymwys i gael prawf sgrinio'r fron ar adeg benodol, sydd wedi cael prawf sgrinio o fewn y tair blynedd flaenorol.

Ailalw'n gynnar

Ail wahoddiad i ddod i glinig asesu ar ôl llai na'r cyfnod sgrinio rheolaidd (3 blynedd).

Bwrdd Iechyd

Bwrdd iechyd preswyl.

Y rhai sydd wedi esgeuluso dod i gael prawf sgrinio

Aeth mwy na thair blynedd heibio ers y prawf sgrinio diwethaf ac ers yr ail wahoddiad.

Sgrinio cyffredin

Sgrinio menywod nad ydynt erioed wedi cael prawf sgrinio yn rhan o raglen sgrinio'r fron y GIG.

Sgrinio achos

Sgrinio menywod a gafodd brawf sgrinio cyn hynny yn rhan o raglen sgrinio'r fron y GIG.

Canser ymledol

Pan fydd celloedd cancer wedi tyfu trwy leinin dwythellau a llabedynnau'r fron i'r meinwe o'u cwmpas, ac felly â'r potensial i ledaenu i rannau eraill o'r corff.

Nifer sy'n cael ei sgrinio

Canran y menywod sy'n cael eu gwahodd yn rheolaidd i gael prawf sgrinio'r fron sy'n manteisio ar y gwahoddiad ac sy'n cael eu sgrinio ymhen chwe mis.

Y Tîm Cynhyrchu

Cyflogir holl dîm cynhyrchu'r adroddiad hwn gan Iechyd Cyhoeddus Cymru ac fe'u rhestrir isod.

Dean Phillips	Pennaeth Bron Brawf Cymru
Dr Sharon Hillier	Cyfarwyddwr yr Is-adran Sgrinio
Helen Clayton	Rheolwr Arweiniol Gwybodeg a Gwasanaethau Data
Guy Stevens	Rheolwr Gwybodeg Arweiniol a Gwasanaethau Data Dros Dro
Claire Ellis	Uwch Ddadansoddwr Gwybodeg a Data
Diane Rawlings	Cynorthwydd Personol

Gwasanaethau Cyfieithu

Cyfieithiwyd gan Bartneriaeth Cydwasanaethau GIG Cymru ar ran Iechyd Cyhoeddus Cymru

Manylion cyswllt y rhaglen

De-ddwyrain Cymru:

Canolfan Sgrinio'r Fron

18 Heol y Gadeirlan, Caerdydd, CF11 9LJ

sgrinio-bron-de@wales.nhs.uk

029 2039 7222

Gogledd Cymru

Canolfan Sgrinio'r Fron

Ffordd Maesdu, Llandudno, LL30 1QY

sgrinio-bron-gogledd@wales.nhs.uk

01492 860888

Gorllewin Cymru

Canolfan Sgrinio'r Fron

24 Heol Alexandra, Abertawe, SA1 5DY

sgrinio-bron-gorllewin@wales.nhs.uk

01792 459988

Gogledd-ddwyrain Cymru

Canolfan Sgrinio'r Fron

Ffordd Ellice, Parc Technoleg Wrecsam,
Wrecsam, LL13 7YT

sgrinio-bron-gogledd@wales.nhs.uk

01492 860888



GIG
CYMRU
NHS
WALES

Iechyd Cyhoeddus
Cymru
Public Health
Wales

Gweithio gyda'n gilydd
i greu Cymru iachach

Working together
for a healthier Wales